

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-792/11
Sarajevo, 29.06.2011. godine

Z A P I S N I K
4. VANREDNE SJEDNICE DOMA NARODA PARLAMENTA
FEDERACIJE BOSNE I HERCEGOVINE, održane 29. juna 2011. godine

Sjednica je počela u 11.40.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, predsjednika Federacije Bosne i Hercegovine Živka Budimira, potpredsjednika Federacije Bosne i Hercegovine Mirsada Kebu, ministre u Vladi Federacije, predstavnike sindikata, nevladinih organizacija, predstavnike akreditiranih medijskih kuća koji prate rad sjednice i goste.

Izostanak sa sjednice opravdali su: Branislav Crnogorac, Jasmin Smailbegović, Elvira Abdić Jelenović i Daliborka Milović.

Na osnovu evidencije Stručne službe, predsjedavajuća je konstatovala da sjednici prisustvuje 49 delegata, što čini većinu, te Dom naroda može raditi i punovažno odlučivati.

Predsjedavajuća je podsjetila delegate da je Vlada Federacije dostavila Prijedlog Zakona o potvrđivanju prava na prijevremenu starosnu penziju ostvarenu pod povoljnijim uvjetima sa prijedlogom da se razmatra po hitnom postupku, te ih pozvala da se izjasne o tome.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 36 glasova za, uz pet glasova protiv i uz šest uzdržanih glasova, prihvatio da se Prijedlog Zakona o potvrđivanju prava na prijevremenu starosnu penziju ostvarenu pod povoljnijim uvjetima razmatra po hitnom postupku.

Budući da nije bilo prijedloga za izmjenu i dopunu dnevnog reda, predsjedavajuća je konstatovala da je Dom naroda Parlamenta Federacije BiH, sa 37 glasova za, uz dva glasa protiv i uz osam uzdržanih glasova, usvojio sljedeći:

D N E V N I R E D

1. Prijedlog Zakona o potvrđivanju prava na prijevremenu starosnu penziju ostvarenu pod povoljnijim uvjetima – hitni postupak

Prijedlog Zakona utvrdila je Vlada Federacije i 16.06.2011. godine dostavila Parlamentu Federacije radi razmatranja i usvajanja.

Naknadno je dana, 22.06.2011. godine Vlada Federacije dostavila novi tekst Prijedloga Zakona i povukla tekst od 16.06.2011. godine.

Predstavnički dom je na 2. sjednici od 22.06.2011. godine usvojio Prijedlog Zakona o potvrđivanju prava na prijevremenu starosnu penziju ostvarenu pod povoljnijim uvjetima uz amandman koji je Vlada Federacije prihvatila na sjednici Predstavničkog doma, pa je postao sastavni dio Prijedloga Zakona. Tom prilikom Predstavnički dom je usvojio i Zaključak.

Amandman koji je Vlada Federacije prihvatila glasi:

“U članu 2. Prijedloga Zakona st. 2., 3. i 4. se brišu.”

Prijedlog Zakona razmatrala su nadležna radna tijela i dostavila izvještaje.

Na Prijedlog Zakona Dževad Rađo podnio je dva amandmana koji se odnose na čl. 3. i 4. Prijedloga Zakona.

Prijedlog Zakona obrazložio je Vjekoslav Čamber, federalni ministar rada i socijalne politike.

Mirko Batinić, predsjednik Komisije za ljudska prava i slobode, obrazložio je Izvještaj Komisije i predložio Domu da donese zaključak koji je Komisija predložila.

U pretresu su učestvovali: predsjednica Kluba delegata srpskog naroda Mira Ljubijankić, predsjednik Kluba delegata bošnjačkog naroda Amir Zukić, Josip Perić, Dževad Rađo, Zoran Jovanović, Zijat Mušić, Ivo Tadić, Sretko Radišić, Aner Žuljević, Ekrem Prošić, Jasenko Tufekčić, Radoje Vidović, predsjednik Kluba delegata hrvatskog naroda, federalni ministar za pitanja boraca i invalida odbrambeno-oslobodilačkog rata Zukan Helez.

Budući da je Radoje Vidović, ispred Kluba delegata hrvatskog naroda, zatražio pauzu kako bi Klub zauzeo stav u vezi sa amandmanom koji je Vlada Federacije prihvatila na sjednici Predstavničkog doma, predsjedavajuća je dala pauzu u trajanju od 30 minuta.

Nakon pauze, Radoje Vidović je izjavio da je Klub delegata hrvatskog naroda podnio amandman kojim se predlaže uvođenje st. 2., 3. i 4. u članu 2. Prijedloga Zakona čime bi se u cijelosti ispoštovala presuda Ustavnog suda Federacije i sprječila diskriminacija ostalih korisnika ovih prava.

Budući da Vlada Federacije nije prihvatila amandmane Dževada Rađe i amandman Kluba delegata hrvatskog naroda, predsjedavajuća je

pozvala podnosiocce amandmana da se izjasne da li ostaju pri amandmanima.

Dževad Rađo je izjavio da odustaje od amandmana, dok Klub delegata hrvatskog naroda nije odustao od svog amandmana te ga je predsjedavajuća stavila na glasanje.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH nije usvojio amandman Kluba delegata hrvatskog naroda, jer je za glasalo 15 delegata, 18 delegata je bilo protiv, a 17 delegata je bilo uzdržano.

Potom se glasalo o Prijedlogu Zakona.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 36 glasova za, uz tri glasa protiv i uz 11 uzdržanih glasova, usvojio Prijedlog Zakona o potvrđivanju prava na prijevremenu starosnu penziju ostvarenu pod povoljnijim uvjetima sa Zaključkom koji je usvojio i Predstavnički dom, a koji glasi:

Z A K L J U Č A K

Obavezuje se Vlada Federacije Bosne i Hercegovine da do 31.12.2011. godine izradi cjelovito rješenje prijevremenog penzionisanja kategorija koje su sastavnice Oružanih snaga (MUPR BiH i MUP HZ HB) sa posebnim osvrtom na osobe navedene u obrazloženju Odluke Ustavnog suda Federacije Bosne i Hercegovine.

Sjednica je završena u 14.10.

* * *

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVALA

Karolina Pavlović